



Broj: 01-235/23
Vareš, 28.09. 2023. godine

Na osnovu člana 7. Zakona o ministarskim, vladinim i drugim imenovanjima Federacije Bosne i Hercegovine („Sl.novine broj: 12/03, 34/03 i 65/13) i člana 22. Statuta Općine Vareš (prečišćeni tekst), broj: 01-162/12 od 11.09.2012.godine, Općinsko vijeće Vareš na 28.sjednici, održanoj 28.09.2023. godine, d o n o s i :

ODLUKU
o izmjeni i dopuni odluke o utvrđivanju standarda i kriterija
za konačna imenovanja na pozicije u regulirane organe

Član 1.

U Odluci o utvrđivanju standarda i kriterij za konačna imenovanja na pozicije u regulirane organe, broj: 01-149/20 od 29.10.2020.godine, član 11. stav 1. tačka a) mijenja i glasi: „Najmanje VSS, VII stepen visoke stručne spreme odnosno visoko obrazovanje prvog (koji se boduje sa 240 ECTS bodova), drugog ili trećeg ciklusa po Bolonjskom sistemu studiranja za nadzorne odbore javnih preduzeća i skupštine javnih preduzeća.“

Član 11. stav 1. tačka b) mijenja i glasi: „Najmanje 3 (tri) godine radnog iskustva u struci nakon sticanja VSS, VII stepen visoke stručne spreme odnosno visoko obrazovanje prvog (koji se boduje sa 240 ECTS bodova), drugog ili trećeg ciklusa po Bolonjskom sistemu studiranja za nadzorne odbore javnih preduzeća i skupštine javnih preduzeća.“

Član 11. stav 1. tačka d) mijenja se i glasi: „Da ima sertifikat o završenom usavršavanju u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala(“Službene novine Federacije BiH”, broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).

Kandidati koji ne posjeduju navedeni sertifikat prilažu ovjerenu izjavu kod nadležnog organa kojom se obavezuje da će u roku od šest (6) mjeseci proći stručno usavršavanje i steći sertifikat o završenom usavršavanju ili prilažu važeće uvjerenje o statusu kandidata u postupku usavršavanja iz člana 7a.ove uredbe;

Članovi organa upravljanja (predsjednici i članovi nadzornih odbora i članovi uprava privrednih društava sa učešćem državnog kapitala i predsjednici i članovi nadzornih odbora privrednih društava u kojima učešće državnog kapitala nije većinsko, a koji su u nadzorni odbor kandidovani ispred državnog kapitala) čiji mandat je u toku, uključujući i vršioce dužnosti članova uprava privrednih društava sa većinskim učešćem državnog kapitala, ukoliko ne završe usavršavanje u roku od šest mjeseci, dužni su podnijeti ostavku na dužnost koju obavljaju, a u protivnom, nadležni organ koji u tom privrednom društvu vrši ovlaštenja po osnovu učešća državnog kapitala dužan je pokrenuti postupak razrješenja sa dužnosti.“

Članu 11. stav 1. tačka j) se briše.

Član 2.

Član 16. stav 2. se briše.

Član 3.

U članu 18. stav 1. pod rednim brojem 1:

1. U alineji 2. riječi „od šest“ zamjenjuju se riječima „od pet“, tako se mijenja i glasi: „Od pet do deset godina radnog iskustva, 3 boda“.
2. U alineji 3. riječi „od 11“ zamjenjuju se riječima „od 10“, tako da se mijenja i glasi: „Od 10 do 20 godina radnog iskustva, 7 bodova.“
3. U alineji 4. riječi „od 21“ zamjenjuju se riječima „od 20“, tako da se mijenja i glasi: „Od 20 godina i više radnog iskustva, 9 bodova“

Član 18. stav 1., pod rednim brojem 3., mijenja se i glasi: „U svrhu određivanja osnove za izbor kandidata prema kvaliteti, utvrđuju se standardi po intervjuu za izbor i ocjenjivanje iz oblasti:

- a) Komunikativne i kreativne sposobnosti
- b) Sposobnost za donošenje odluka i rješenja
- c) Smisao za prilagodljivost timskom radu
- d) Sposobnost tumačenja ekonomskih i pravnih analiza i propisa
- e) Opći dojam o kandidatu stečen kroz intervju

Obrazac za ocjenu kandidata je sastavni dio ove odluke.

„Članovi komisije ocjenjuju pojedinačno svakog kandidata, ocjenom od 1 do 5, za svaki odgovor iz navedenih oblasti. Ukupan broj bodova koje pojedini kandidat dobije nakon obavljenog intervjua će se izračunati, tako da se bodovi koje daju članovi Komisije zbroje i podijele sa brojem članova Komisije za izbor.“

Član 4.

U članu 19. stav 1. iza riječi „razmatrati“ dodaju se riječi: „O čemu je Komisija dužna pismenim putem obavijestiti kandidata“, tako da se ovaj član mijenja i glasi: „Po objavljenom oglasu za upražnjene pozicije i istekom roka za prijave, Komisija za izbor vrši uvid u sve prijave kandidata podnesene u propisanom roku. Prijave koje nisu uredne, blagovremene i kompletne Komisija neće razmatrati, o čemu će Komisija pismenim putem obavijestiti kandidata “

Član 5.

Ova odluka stupa na snagu danom donošenja, i objavit će se na oglasnoj ploči Općine Vareš.

**PREDSJEDAVAJUĆA
OPĆINSKOG VIJEĆA**

Mahira Brkić

OBRAZLOŽENJE:

Pravni osnov:

Članom 7. Zakona o ministarskim, vladinim i drugim imenovanjima Federacije Bosne i Hercegovine („Sl.novine FBiH“, broj: 12/03, 34/03 i 65/13) propisano je:

1. Svi kandidati za imenovanje u regulirane organe dužni su ispunjavati sljedeće opće uslove:
 - a) Da su stariji od 18 godina,
 - b) Da nisu otpušteni iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije;
 - c) Da se na njih ne odnosi član IX .1 Ustava Bosne i Hercegovine.
2. Osim općih uslova u svrhu određivanja osnove za izbor prema kvalitetu odgovorni javni službenik utvrdit će standarde za izbor i ocjenjivanje u smislu stepena obrazovanja, znanja, iskustva, poznavanje stranih jezika i drugog, što je prema njegovom mišljenju neophodno i poželjno s obzirom na prirodu poslova koje treba obavljati.
3. Prilikom utvrđivanja ili primjene standarda iz stava 2. ovog člana, odgovorni javni službenik neće vršiti diskriminaciju prema bilo kome na osnovu rase, nacionalnog ili etičkog porijekla, boje, vjere, pola, bračnog statusa, porodičnog statusa, invalidnosti ili zbog postojanja osude za koju je izrečeno pomilovanje.“
4. Odgovorni javni službenik kriterije za imenovanje čuva u evidenciji.

Razlozi za donošenje:

Odluku o utvrđivanju standarda i kriterija za konačna imenovanja na pozicije u regulirane organe, broj: 01-149/20od 29.10.2020.godine potrebno je uskladiti za zakonskim i podzakonskim propisima, te su navedene izmjene i dopune nastale iz ovog razloga.

Predlažemo Općinskom vijeću da Prijedlog ove odluke usvoji u predloženom tekstu.

**PREDLAGAČ:
OPĆINSKI NAČELNIK**

Zdravko Marošević



OBRAZAC ZA OCJENU KANDIDATA NA INTERVJU

Ime i prezime, ime jednog roditelja:	Pozicija u reguliranom organu: _____
Komisija za izbor u regulirane organe,	Datum: _____ . godine

Napomena: Ocjenu vršiti upisivanjem simbola (X) u odgovarajuću kolonu.

Personalne karakteristike, iskazane sposobnosti, kompetencija	Ocjena				
	1	2	3	4	5
Komunikativne i kreativne sposobnosti					
Sposobnost za donošenje odluka i rješenja					
Smisao za prilagodljivost timskom radu					
Sposobnost tumačenja ekonomskih, pravnih analiza i propisa					
Opći dojam o kandidatu stečen kroz Intervju					
Ukupni broj bodova					

Komentari:

Ključne prednosti kandidata	Primijećene slabosti kandidata

Potpis člana komisije: _____